

Syllabus za konverzacijski kurs španskog jezika - A1 nivo

Podaci o predavaču

Ime i prezime: Melissa Mehičić

E-mail adresa: melissa.mehicic@gmail.com

Biografija predavača

Melissa Mehičić je počela učiti španski jezik u jezičkoj gimnaziji u Italiji, nakon čega je, po povratku u Bosnu i Hercegovinu, nastavila usavršavati jezik kroz samostalno učenje i praktičnu upotrebu. Posjeduje međunarodno priznate DELE certifikate iz španskog jezika na nivoima B2 i C1, koje je stekla polaganjem ispita pri Institutu Cervantes u Zagrebu i Beogradu.

Pored akademskog obrazovanja, više godina pruža privatne časove španskog jezika, prilagođavajući nastavu potrebama i nivou učenika. Španski jezik koristi i u međunarodnim profesionalnim okruženjima, gdje je imala priliku komunicirati sa diplomatama, vojnim predstavnicima i akademikima iz Španije, uključujući i tokom Sarajevo Security Conference.

LinkedIn profil: <https://www.linkedin.com/in/melissa-mehicic-a90497304/>

Opće informacije o kursu

Idealan kurs za osobe koje žele steći sigurnost u svakodnevnoj komunikaciji na španskom jeziku.

Opis kursa

Konverzacijski kurs španskog jezika A1 namijenjen je polaznicima koji žele razviti sigurnost i samopouzdanje u korištenju španskog jezika u svakodnevnoj komunikaciji. Kurs se zasniva na praktičnoj upotrebi jezika i učenju izraza i vokabulara koji se mogu primijeniti u svakodnevnim životnim situacijama.

Posebno je namijenjen polaznicima koji već posjeduju osnovno znanje španskog jezika, odnosno onima koji su završili A1 nivo, ali žele dodatno razviti svoje konverzacijske vještine. Kurs je otvoren i za osobe koje se prvi put susreću sa španskim jezikom. Budući da je primarni fokus kursa na konverzaciji, a ne na sistematskom obrađivanju gramatike, potpunim početnicima će, prema potrebi, biti pružene smjernice za samostalno savladavanje gramatičkih osnova kod kuće. Na taj način polaznici mogu postepeno pratiti teme koje se obrađuju na času i istovremeno izgrađivati gramatičku osnovu potrebnu za uspješnu komunikaciju.

Kurs je tako prilagođen polaznicima različitih nivoa predznanja, dok je zajednički cilj svih polaznika razvijanje sposobnosti aktivnog korištenja španskog jezika u stvarnim komunikacijskim situacijama. Tokom kursa obrađivat će se teme poput predstavljanja, porodice, svakodnevne rutine, hrane i pića, slobodnog vremena, putovanja i drugih situacija sa kojima se polaznici mogu susresti u svakodnevnom životu.

Očekivanja i ciljevi

Cilj kursa je da polaznici steknu osnovno znanje španskog jezika na nivou A1 te da razviju sigurnost u korištenju jezika u jednostavnim svakodnevnim situacijama.

Po završetku kursa polaznici će moći pozdraviti i predstaviti se, dati osnovne informacije o sebi, svojoj porodici i svakodnevnom životu, postavljati i odgovarati na jednostavna pitanja, govoriti o svojim interesima i navikama, naručiti hranu i piće te razumjeti i koristiti osnovne izraze potrebne tokom putovanja i svakodnevne komunikacije. Poseban cilj kursa je razviti samopouzdanje polaznika u govoru i smanjiti strah od pravljenja grešaka.

Materijali/oprema neophodna za kurs

Neophodni materijali/oprema: materijali i radni listovi koje će pripremiti predavač.

Poželjni materijali/oprema: sveska i olovka.

Trajanje kursa - 4 sedmice. **Broj časova** - Kurs traje 8 nastavnih časova, dva puta sedmično po 90 minuta.

Organizacija časa

Svaki čas traje 90 minuta i podijeljen je na dva dijela. Približno prvih 60–65 minuta posvećeno je konverzaciji i aktivnoj upotrebi španskog jezika kroz temu predviđenu za taj čas. Polaznici će kroz pitanja, odgovore, dijaloge, simulacije svakodnevnih situacija i druge interaktivne aktivnosti imati priliku primijeniti naučeni vokabular i izraze. Preostalih 25–30 minuta predviđeno je za upoznavanje sa vokabularom koji će biti potreban za naredni čas. Predavač će polaznicima pripremiti i podijeliti materijal sa osnovnim riječima i izrazima vezanim za narednu temu. Vokabular će se zajedno proći, objasniti i, prema potrebama polaznika, dopuniti dodatnim riječima i izrazima. Polaznici će na taj način imati materijal koji mogu samostalno pregledati i uvježbati prije narednog susreta.

Cilj ovakve organizacije je da polaznici na naredni čas dođu sa osnovnim poznavanjem vokabulara potrebnog za razgovor, čime se vrijeme na času može maksimalno iskoristiti za aktivnu komunikaciju. Od polaznika se ne očekuje da unaprijed savršeno savladaju sav vokabular, već da se upoznaju s njim i pokušaju ga aktivno koristiti tokom narednog časa.

Raspored tema:

Sedmica 1	Pozdravljanje, predstavljanje i lične informacije: godine, nacionalnost, jezici, obrazovanje, posao, zanimanje, grad
Sedmica 2	Porodica, prijatelji i opisivanje osoba: fizički i karakterni opis; svakodnevna rutina
Sedmica 3	Svakodnevne situacije: hrana, restoran, grad, mjesta, i davanje uputa
Sedmica 4	Hobiji i slobodno vrijeme; završna integrativna konverzacija i ponavljanje obrađenih tema